



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
OPĆINSKI NAČELNIK

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo“, broj 23/04), člana 7. Odluke o poticaju zapošljavanja mladih iz sredstava Budžeta Općine Centar Sarajevo ("Službene novine Kantona Sarajevo" broj 30/15), Strategije razvoja Općine Centar Sarajevo za period 2016.-2022. godine, Odluke o izvršavanju Budžeta Općine Centar Sarajevo za 2020. godinu (Službene novine Kantona Sarajevo, br. 52/19), te Izmjene i dopune Odluke o izvršavanju Budžeta Općine Centar Sarajevo za 2020. godinu (br. 01-11-2366/20 od 11.05.2020. godine), Općinski načelnik o b j a v l j u j e:

### **JAVNI POZIV**

**za finansiranje i sufinansiranje najboljih poslovnih projekata sredstvima Budžeta Općine Centar Sarajevo namijenjenih razvoju preduzetništva i zapošljavanju mladih**

### **I PREDMET I CILJ JAVNOG POZIVA**

Za vrijeme trajanja pandemije COVID-19 virusa, gubici zaposlenja su veliki. Kako bi sanirali novonastalu štetu i posljedice u svim sferama poslovnog djelovanja i zaposlenja, Općina Centar Sarajevo je prepoznala značaj i ulogu startup biznisa kao dominantnih tvoraca novih radnih mjesta, što je u ovim trenucima od izuzetne važnosti. Planirana budžetska sredstva će se koristiti za podsticanje preduzetničke inicijative kroz takmičenje preduzetničkih ideja i održivih poslovnih planova u svrhu ublažavanja negativnih efekata prouzrokovanih COVID-19 virusom, što je ujedno i osnovni cilj ovog Javnog poziva.

Na osnovu Javnog poziva izvršiće se vrednovanje dostavljenih aplikacija i izbor najboljih biznis planova koji će biti novčano podržani. Novčana podrška je namijenjena sufinansiranju troškova pokretanja biznisa kroz finansiranje troškova registracije biznisa, troškova nabavke sredstava za rad, zakupa poslovnih prostorija, obrtnih sredstava, naknade za doprinose i ostalih troškova.

Visina bespovratnih sredstava po biznis planu može iznositi maksimalno do 15.000,00 KM.

### **II PRAVO SUDJELOVANJA**

Korisnici sredstava mogu biti osobe koje ispunjavaju sljedeće uslove:

- a) Da se nalaze na evidenciji nezaposlenih JU Zavod za zapošljavanje Kantona Sarajevo;
- b) Da imaju prebivalište na području općine Centar, minimalno 3 godine;
- c) Da pripadaju kategoriji mladih, starosti do 35 godina;
- d) Da će po odobravanju poslovne ideje registrovati i razvijati vlastiti biznis na području općine Centar.

### III KOMISIJA ZA PROVOĐENJE POSTUPKA DODJELE BESPOVRATNIH SREDSTAVA

Postupak dodjele bespovratnih sredstava namijenjenih podsticaju zapošljavanja mladih Općine Centar provodi Komisija za provođenje postupka dodjele bespovratnih sredstava za podsticaj zapošljavanja mladih (u daljem tekstu: Komisija), koju imenuje Općinski načelnik.

KRITERIJI I MJERILA		BODOVI	
1.	Kvalitet biznis plana u zadatom obrascu		Max 100
2.	Kvalitet usmene prezentacije		Max 100
	<b>a) način prezentacije</b>	<b>20 bodova</b>	
	• jasna prezentacija i logičan tok prezentacije		
	• vrijeme prezentacije		
	• uvjerljivost i profesionalizam		
	• poznavanje poslovnog sektora		
	• odgovori na pitanja članova Komisije		
	• stimulisanje interesa investitora		
	<b>b) prezentacija plana</b>	<b>40 bodova</b>	
	• jasno definisani proizvodi i usluge		
	• jasno definisan način djelovanja		
	• identifikovani rizici		
	• jasni pokazatelji prodaje, profita i gotovinskog toka		
	• jasno definisane potrebe za kapitalom		
	<b>c) održivost biznisa</b>	<b>40 bodova</b>	
	• jasna vizija		
	• prezentacija poslovnih vještina		
	• potencijal za investiciju		

Pravo na usmenu prezentaciju biznis plana ostvaruju kandidati čiji je **kvalitet biznis plana vrednovan sa najmanje 60 bodova**.

Bodovi ostvareni na osnovu kvaliteta biznis plana tačka (1) i bodovi ostvareni na osnovu kvaliteta usmene prezentacije biznis ideje (2) zbrajaju se (maksimalni broj bodova iznosi 200).

### IV PROCES EVALUACIJE BIZNIS PLANOVA

- (1) Komisija u prvom koraku, shodno utvrđenim kriterijima, razmatra pristigle prijave i vrši izbor i selekciju najboljih biznis planova;
- (2) Nakon izvršene selekcije najboljih biznis planova, odabrani kandidati će biti u obavezi da slijede i poštuju sve upute i smjernice dostavljene od strane Komisije, a koje se odnose na eventualnu dostavu dodatne dokumentacije, pohađanja programa obuke i mentorstva u preduzetništvu i slično;
- (3) Najbolje ocijenjene kandidate, Komisija poziva na prezentaciju svojih biznis planova;
- (4) Kandidati pred Komisijom predstavljaju svoj biznis plan, kroz power point prezentaciju ili sličan format prezentacije, u trajanju od 15 minuta;
- (5) Nakon svake pojedinačne prezentacije Komisija obavlja intervju sa kandidatom u trajanju od 15 minuta.
- (6) Komisija sačinjava prijedlog liste najboljih biznis planova.
- (7) Na osnovu prijedloga Komisije, Općinski načelnik donosi Odluku o biznis planovima koji će biti finansirani iz granta Općine Centar u skladu sa odobrenim sredstvima u budžetu.

Sa kandidatima najbolje ocijenjenih biznis planova Općina Centar Sarajevo, koju zastupa Općinski načelnik, zaključuje ugovore u kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, monitoring implementacije biznis plana i namjenski utrošak sredstava.

#### **V SADRŽAJ POTREBNE DOKUMENTACIJE**

Prijava mora biti potpuna i uz nju mora biti dostavljena sva dokumentacija tražena Javnim pozivom, kako slijedi:

- a) Obrazac biznis plana;
- b) Potvrda JU Zavoda za zapošljavanje KS, da se prijavitelj nalazi na evidenciji nezaposlenih (ne starija od 30 dana);
- c) Uvjerenje o prebivalištu na području Općine Centar Sarajevo, u kontinuitetu najmanje 3 godine (Uvjerenje o kretanju izdato od strane MUP-a KS);
- d) Ovjerenu ličnu kartu;
- e) Ovjerenu Izjavu da će dodijeljena sredstva iskoristiti za nabavku potrebnih sredstava za rad navedenih u biznis planu, registrovati i održavati vlastiti biznis; da će se nakon registrovanja vlastitog biznisa odjaviti sa evidencije nezaposlenih i da se u periodu od najmanje 12 mjeseci neće prijaviti na evidenciju nezaposlenih, te da ranije nisu koristili bespovratna sredstva Budžeta Općine Centar namijenjena podsticaju zapošljavanja mladih.

Biznis plan mora biti dostavljen na aplikacionom obrascu i popunjen elektronski.

*Obrazac Biznis plana* i *obrazac Izjave* za prijavu na Javni poziv možete preuzeti na slijedećem linku:

<http://www.centar.ba/stranica/javni-pozivi-konkursi-i-oglasi>

#### **VI NAČIN I ROK PODNOŠENJA PRIJAVE**

Zahtjevi/prijave se podnose u zatvorenoj koverti, direktno na protokol Općine Centar ili preporučeno putem pošte na adresu:

**Općina Centar Sarajevo  
Služba za finansije, privredu i LER  
Mis Irbina 1  
71000 Sarajevo**

**Javni poziv za finansiranje i sufinansiranje najboljih poslovnih projekata sredstvima Budžeta Općine Centar Sarajevo namijenjenih razvoju preduzetništva i zapošljavanju mladih**

**„NE OTVARAJ“**

Javni poziv otvoren je do 26.06.2020.godine. Zahtjevi/prijave primljene nakon isteka roka neće biti razmatrani.

#### **VII OSTALE ODREDBE**

U postupku po Javnom pozivu Općina Centar Sarajevo ne snosi nikakve troškove učesnika Javnog poziva.

Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/562-347.